

*Q. D. B. P.*

DISSERTATIO JURIDICA INAUGURALIS

DE

# CONSENSV TACITO,



QVAM,  
INDVLTV

MAGNIFICI FACTORVM ORDINIS,  
IN ACADEMIA PER-ANTIQA ERFORDIENSI  
ELECTORALI,  
SVB PRÆSIDIO

DN. ERNESTI TENZELII, JCTI,

EMINENTISS. AC CELSISS. PRINC. ELECT. MOG. CONSIL. REGIMINIS, JVDICII  
PROVINC. AC FACULT. JURID. ASSESS. EJVSDEMQUE H. T. DECANI,  
NEC NON CIVITATIS CONSVLIS PRIMARIJ,

PRO LICENTIA

SVM MOS IN VTROQUE JURE HONORES ATQVE PRI-  
VILEGIA RITE CAPESSENDI,  
PLACIDÆ ERVDITORVM DISCVSSIONI  
SVBMITTIT

JOH. CAROLVS SCHMIDIUS,

*Offit. Mifn.*

ADVOCAT. SAXON. IMMATR.

D. XVI. FEBRVARII M DCC XXVIII.

ERFORDIÆ, Litteris GROSCHIANIS, Acad. Typogr.

# YOUNG MEN'S CHRISTIAN ASSOCIATION

WEDNESDAY EVENING, NOVEMBER 10, 1897  
8:00 P.M.

THE YOUNG MEN'S CHRISTIAN ASSOCIATION  
OF THE CITY OF NEW YORK

BY THE YOUNG MEN'S CHRISTIAN ASSOCIATION  
OF THE CITY OF NEW YORK  
FOR THE YEAR 1897

OF THE YOUNG MEN'S CHRISTIAN ASSOCIATION  
OF THE CITY OF NEW YORK

— PUBLISHED BY THE YOUNG MEN'S CHRISTIAN ASSOCIATION  
OF THE CITY OF NEW YORK —



DISSERTATIO JURIDICA INAUGVRALIS  
DE  
**TACITO CONSENSV.**  
**AGENS.**

§. I.



Vum nomina sint, & dicantur rerum notæ, merito sapientum monita sequutus, ego etiam in primo statim hujus dissertationis introitu vim vocum, rubricam ejus constituentium præmittam. Obvenit autem, prout ex fronte disputationis conspicitur, primo vocabulum *Consensus*, cujus derivatio inventu facilis, & desumenda est à præpositione *con-* & voce *sensus*, ac significat mutuam animorum convenientiam, ad idem tendentem, germ. *Eine Mit-Albereinstimmung*. Deinde verbi *Tacitus*, ejusque originem & etymologiam quod attinet, cum ea itidem

in promptu, & nemini, nisi in latino idiomate plane hospiti incognita sit, eam ulterius & prolixè deducere, supervacaneum esse existimo. Quapropter, ut sine ulteriori ambage ad ipsam rem me possim accingere, sensum rubricæ brevibus ita indicabo: nimirum quod tacitus consensus denotet mutuam, eamque non verbis initam animorum concordiam, ad idem tendentem. Germ. Eine stillschweigende Mit-Ubereinstimmung derer Gemüther in Eines.

§. II.

Sicuti autem summam cujuslibet thematis rite pertractandi cardo potissimum in exquisita definitione logica vertitur, & omnis, quæ à ratione suscipitur de aliquâ re institutio debet à definitione proficisci, ut intelligatur, quid sit, de quo disputatur, c. 1. *L. 1. de off.* nihilominus vero omnis definitio in jure admodum periculosa deprehenditur; ita & ego ante omnia thema dissertationis meæ sequenti modo definire, periclitabor. Tacitus consensus igitur est voluntas duorum vel plurium non verbis, sed facto, aut alio modo coadunata, ad idem tendens.

§. III.

Genus definitionis meæ est voluntas, quæ, cum à natura libera plane sit, ea propter etiam actiones hominum morales i. e. voluntatis, liberæ, non vero restrictæ, vel coactæ esse debent; quod eo magis in jure verum, quo magis ea in omni genere contractus

&

& conventionis, in quod consensus cadere solet, ac potest, liberam voluntatem requirunt, adeo, ut omnis actus coactè initus in effectu non valeat, propterea, quod voluntati nihil tam contrarium est, quam coactio. Et licet coacta voluntas in jure non modo pro voluntate quandoque habeatur, verum etiam ex dato semel consensu actio oriatur per *L. 21. §. 5. ff. quod met. causa*; ea tamen per exceptionem à Præatore introductam facile potest elidi, de quo plura in Digestis, sub dicto *Tit. quod met. causa*.

#### §. IV.

Præmissa definitione, sequitur divisio. Dividitur autem consensus in verum & fictum. Verus rursus dispesci solet in expressum & tacitum. Verus itaque consensus ille dicitur, qui revera vel verbis expressis, vel tacite declaratus negotio cuiuspiam accedit; contra fictus est, qui revera actui non accedit, sed, quem accessisse, jura fingunt, uti quandoque in quasi contractibus fieri assolet. Aliud exemplum ficti consensus invenitur in *leg. un. pr. Cod. de rei un. act.* ubi IMPERATOR JUSTINIANVS ait: *Rei uxoria itaque actione sublata, sancimus, omnes dotes per ex stipulata actionem exigere, sive scripta fuerit stipulatio, sive non: ut intelligatur, re ipsa stipulatio esse subsecuta.* Et porro: Est enim consentaneum nobis, qui censemus ubi stipulatio supposita non est, intelligi eam fuisse adhibitam: & multo magis, etiam si inutilis est, validam eam effici. Divisio consensus veri iterum in expressum & tacitum à modo vel facto declarationis

originem sumit. Expressus vero consensus explicatur vel verbis, ore aut litteris prolatis. Tacitus rebus aut factis vid. *L. 32. §. 1. ff. de LL.* etiam nutu *arg. L. 4. §. 1. ff. de Pactis*, item ex omiſſa contradictione ſeu taciturnitate *per L. 2. ff. ſoluto Matrim.* Ratio hujus aſſerti eſt in promptu, quia nempe ex taciturnitate arguitur approbatio & voluntas ejus, quod geritur **VULTEJ. Conf. Marp. V. I. Conf. 15. n. 136.**

### §. V.

Differentiam ergo cum evidentem inter expreſſum & tacitum conſenſum perſpiciamus, qualitatem differentiae, antequam ad ipſam thematis pertrationem deveniam, prius praeſmittendam cenſeo. Distinguendum ſcilicet circa conventionem inter jura Romana, & hodiernos mores; Romani enim, uti in vulgus notum eſt, ex pacto nudo actiones non dabant, ſed ſolummodo exceptionem. Quum autem hodie longe alia ſit rerum facies, ubi non ad formam & ſolennitates verborum, ſed magis naturalem aequitatem attenditur, adeoque conſenſus citra ſolennitatem in idem placitum nude, ſerio tamen datus conditionem ex moribus, tanquam ex nudo pacto producit. Hinc regulae ſequentes: quod ab initio eſt voluntatis, ex poſt facto ſit neceſſitatis, & quod ſemel placuit, diſplicere nequit, contrahentibus hodie merito bene notandae venient. Ex hiis patebit, quod conſenſus expreſſus ſemel animo deliberato datus obligationem & actionem effectivam & pro

pro re nata nominatam pariat; cum è contriario taciti consensus longe alia sit ratio, quippe qui tantum in favorabilibus arg. *L. 18. ff. Mand. vel cont.* in qua *VLPIANVS* ait, qui patitur ab alio mandari, *ut sibi credatur*, mandare intelligitur: Regulariter, & non indistincte, præsertim si de tacentis damno irreparabili agitur, obligat, certique modo casus dantur, in quibus tacens cum effectu pro consentiente haberi solet, quoniam alioquin tacens salvo suo jure tacuisse, non vero suum jactare velle præsumatur in *L. 25. ff. de Prob.* Substantialia vero consensus taciti ponuntur in scientia arg. *L. 3. ff. loc. & patientia per L. 2. Cod. de acqu. possess.* de quo pluribus nunc differemus.

#### §. VI.

Sed ut secundum ordinem procedamus, circumspiciemus præprimis subjectum consentiens; illud igitur est homo. Sed si quæritur, quisnam valide consentire possit, distinctio nobis obvenit, puta inter potentiam, & potestatem consentiendi, hoc est, potentiam physicam & moralem seu juridicam. Physice enim quilibet consentire potest, qui ratione & intellectu, seu usu rationis pollet. Juridice autem consentire posse intelligitur, non tantum is, qui ratione & intellectu gaudet, verum etiam qui determinatis in jure requisitis instructus deprehenditur, & qui nec alias prohibitus est. Sic prodigus intellectum habens perfectissimum integræque ætatis potentiam habet, se aliis obligandi, & consentiendi, sed si pro prodigo legitime declaratus est, potestate destituitur eadem.

Ni-

Nimirum summatim axiomatis loco inserviat, sequens argumentum: Quicumque liberam rerum suarum administrationem habet, ille potest cum effectu consentire, & vice versa.

### §. VII.

Equidem quilibet in dubio consentire, vel contrahere posse præsumitur, propterea quod contrahere ex genere permissorum est, consentire autem & contrahere subordinata sint; nihilo scius tamen interdum obvenit, ut quis quidem velit, sed non possit consentire. Prius igitur invertamus argumentum supra adductum, asserentes, quod quicumque non habet liberam rerum suarum administrationem, is nec possit effective consentire. Inter hos autem primum obinent locum

a) infantes, ratio, quia nec velle, nec nolle præsumuntur per *L. 7. §. 2. ff. de suppell. leg.* atque ea propter comparantur furioso per *L. 1. §. 13. ff. de O. & A.* Et quamvis dictus §. 13. quem pro nobis allegamus, contra nos magis pugnare videatur, ubi nempe Gajus dicit, eum, qui loqui potest, & stipulari, & promittere, adeoque consentire posse; salva tamen res est, quandoquidem phrasis illa, qui loqui potest, explicari debet ex §. præcedenti, ut intelligatur de eo, qui perfecto ore & mente simul fari potest. STRYCK. *Caus. Sect. 1. Cap. II.*

b) pupillus, quem itidem obligationis incapacem esse, certum est, adeo, ut per suum consensum ne natu-



naturaliter quidem obligetur per *L. 59. ff. de A. & O.* hoc est in foro civili cum effectu conveniri possit, licet in tertii præjudicium aliquando obligetur. *L. 1. §. 1. ff. de Novat.*

») Minor, ubi tamen distinguendum Jure Romano an Curatorem habeat, nec ne, ita, ut priori casu nunquam valide consentiat absque consensu curatoris, bene tamen posteriori per *L. 101. ff. de V. O.*

») Furiosi & mente capti, in quibus autem gradus discernendi, & simul attendendum est, an dilucida habeant intervalla nec ne, alias, quia nesciunt, quid agant, per *L. 1. §. 12. ff. de V. O.* consentire simpliciter prohibentur.

») Muti & surdi stipulari non possunt per *§. 7. Inst. de inutil. stip.* in quibus tamen videndum, quodsi sensa mentis sufficienter signis aliisque indiciis exprimere queant, à pactis non arceantur. *STRYK. d. l. Sect. 1. Cap. II. §. 24.*

») Summe Ebrii, qui, quid loquantur, nesciunt, & propterea itidem furiosis similes dijudicantur in *Cap. 15. qu. 1.* Furor autem excludit consensum.

») Prodigii, moraliter & juridice tales, hoc est, qui per sententiam declaratoriam pro talibus declarati sunt per *L. 12. in fine ff. de Curat. dat.* quamvis interdictio bonorum decreto inserta non sit *HILLIGER ad Donell. L. 12. Cap. 22. lit. F.* cum præterea ejusmodi decretum legaliter & cum effectu juris sit interpretandum.

3) Dantur quoque personæ, quæ alias semper & indistincte, exceptis tantummodo certis casibus consensus datione obligantur e. g. pater & filius, puta in patria potestate adhuc constitutus, & sic non emancipatus, ratio est, quia pater & filius pro una personâ in Jure habentur conf. L. 16. ff. de Furtis, cum semet ipso autem contrahere; contra naturam est. Interim tamen jura fictæ unitatis inter patrem & filium ubivis recepta non sunt, tacendum, quod contractus inter hos celebratus cum effectu defendi possit, prout idem studuit facere Dn. D. RIVINVS in *Diff. de Contractu Empt. vend. inter patrem & filium non emancipatum valido*, Lipsiæ haud ita pridem habitâ, in quâ ad simplicitatem magis & æquitatem naturalem, quam solennitates stipulationum Romanis solitas respiciendum esse, inter alia monet.

4) Servus & dominus, quod quidem hodie cessat, postquam in Imperio Rom. germ. jura servitutis per Imperatorem Maximilianum I. in seculo XIII. abrogata sunt.

5) filiusfamilias in contractu mutui per tot. tit. in ff. de SCto. maced.

6) Fœminæ, quæ quidem jure communi omnem contractum valide celebrare queunt, sed propter SC. Vellej. pro alio intercedere vel fidej. jubendo vel constituendo prohibentur; ita quoque in Sax. Elect. per Const. XV. P. II. fœminis tantum certis in casibus absque consensu curatorum vel maritorum consentire, & con-

con-

contrahere permiffum est: conf. *Mand. Reg. de Anno*  
1722.

§. VIII.

Quæ personæ hætenus commemoratæ cum expresse consentire non possint, multo minus tacite poterunt, propterea quod consensus expressus quodammodo magis stringit, quam tacitus per *L. 8. Cod. de Impub. & aliis &c.* præsertim, quia taciti & expressi non semper & ubivis idem iudicium sit, potissimum eo casu, si de passu præjudiciali quodam v. g. privationis & exclusionis sermo est *MENOCH L. 4. præsumt. 40. n. 11.*

§. IX.

Objectum autem sive materia, circa quam consensus versatur, vel dari potest, sunt personæ, res & actiones in societate humana obvenientes. Quid? quod interdum consentientes vel paciscentes Ob- & Subjectum simul constituunt, uti videre est in doctrina de Sponsalibus. Res igitur dividuntur in eas, quæ sunt in patrimonio, & extra illud. Res posterioris generis sunt, e. g. Sacræ, sanctæ, religiosæ, publicæ, Civitatis & ecclesiæ &c. hæ in contractum regulariter non veniunt: ex quo sequitur, contractum circa ejusmodi rem initum vicio nullitatis laborare arg. *L. 5. Cod. de LL.* Quod actiones humanas in societate hominum occurrentes attinet, eæ sunt vel honestæ vel turpes, adeoque aut licitæ aut illicitæ. Verum enim

vero, quoniam turpe factum in jure non præsumitur, sed pro impossibili habetur, impossibile autem nulla est obligatio, nec id, quod jure prohibitum & illicitum est, obligationem inducit per *L. 26. ff. de V. O.* facillime apparebit, quænam actiones & facta in consensum & contractum pro objecto venire possint. Quæ cum ita sint, ex antecedentibus axioma sequentis tenoris formare possum: De quo expresse nequit consensus vel contractus iniri, de eo nec tacite poterit.

### §. X.

Si vero asserere velim, quod ex tacito consensu quædam effectiva oriatur obligatio & tacitus consensus verus sit consensus, prærequiro, uti jam monitum fuit, scientiam & patientiam, neque enim ignorans quid agere, vel consentire censetur per *L. 19. ff. de in off. Testam.* Quibus ita positis, cum veritas consensus nimirum in scientia & patientia constituatur, differentia sese dilucide exerit inter verum & præsumtum. Verus enim utrumque simul præsupponit, præsumtus neutrum, sed suam substantiam tantum sumit ex præsumptione Juris, quod præsumit, absentem & ignorantem in negotium, quod ipsius causa peragitur, consensisse; fingit ubi tale est subjectum, quod consensu destituitur, veluti cum infantis negocia geruntur.

### §. XI.

**Ipsam demum rem nunc aggressurus duabus potiss-**

tissimum regulis doctrinam hanc includam; prima esto: Quicumque gnarus negotii cujusdam se attingentis, facultatemque habens contradicendi, nihilo minus tacet, is in idem negotium consensisse censetur. Secunda: Quicumque in judicio tacet, is in actum coram iudice gestum consensisse præsumitur.

## §. XII.

Verum quidem est, quod alias suo loco recte dicitur, propositum nempe in animo retentum nihil operari; sed regula dicta quod suam patiat limitatorem, præprimis si circumstantiæ defectum expressæ declarationis aggravantes suppleant, dubio caret. Sed præterquam quod nullum moveat dubium illud axioma juris, nequidem huc quadrare statuo, si pensitetur, quod aliud sit propositum in mente retentum, aliquid fortasse faciendi; aliud omisso contradicendi negotio cuiuspiam, & consensus ex taciturnitate colligendus.

## §. XIII.

Regulas autem dictas stabiliturus provoco ad *L. 39. ff. de pignor. Act. ubi glossa*, ex qua argumentum à contrario sumo, si nimirum ibi dicatur, quod pro negante habendus sit is qui non potest contradicendo impedire id, quod agitur, ideoque prono quasi alveo sequitur, eum, qui actum contradicendo impedire potest, nihilo secius tamen tacet, pro consentiente haberi; Itidem optimum fundamentum regula hæc petit ex *L. 6. Cod. Mand.* ubi Imperator disponit: *Quodsi*

*fidejussor pro reo patiente fidem suam adstrinxerit, mandati cum eo post exolutam pecuniam, vel factam condemnationem potest actionem exercere.* Verba profecto satis clara & perspicua non minus, quam regulæ meæ maxime assistentia, prout simul exemplum dicta lege comprehensum optime huc quadrat, quoniam omnia ad fulciendam thesin meam requisita supra commemorata in eâ continentur, scientia nempe & patientia. Quando autem dixi; *quicumque gnarus negotii se attingentis* &c. eo ipso nihil aliud exprimere volui, quam scientiam & patientiam. Deinde verba regulæ: *Negotii se attingentis*, obveniunt, quibus declaratum dare nîsus sum, quod præter scientiam negotii, quod geritur, tacentis interesse simul concurrere debeat, siquidem ex alieno negotio nemo regulariter obligatur §. 3. *Inst. de inutil. stip.* nec alienis in rebus quispiam contra voluntatem domini facere, vel pacisci potest per *L. f. in Cod. de Pact.*

Et licet alioquin negotium alienum per ratihabitionem nostrum fieri dicatur in *L. 5. ff. de neg. gest.* Aliud tamen est factum alienum ratihabere, aliud ex facto tertii simpliciter obligari, prius procedit, cum distinctione tamen inter causas civiles & criminales, adeo, ut ratihabitio regulariter tantum in civilibus effectum sortiatur. TABOR in *Axiom. Juris Lib. XVI. cap. 6. Ax. 15.* Non vero in criminalibus. In Civilibus autem ratum habere quis non potest, quod ipsius nomine gestum non est, per *L. 13. ff. de precar.* adeoque secus, si ejus nomine quid peractum sit, quod  
omni-

omnino rati habere licet. Posterius vix, quoniam jura prohibent, prohibent autem, quod contra æquitatem naturalem est, ex conventionem, quæ personas pacificantes non egreditur, aliena, citra consensum, in idem placitum datum quempiam obligari.

Sed quæ fortassis ratio, quod per rati habitationem factum alienum interdum nostrum fiat? Ea sane est, quoniam rati habitio est species mandati, qui vero mandat, actione mandati tenetur, tacendum, quod culpa pariter subsit, quæ committitur in immiscendo se alienis negotiis, quod jura vetant in *L. 8. §. ult. ad L. Aquil. §. L. 36. ff. de reg. Juris Cap. 19. in 610.* ubi dicitur, culpam esse se immiscere rei ad se non pertinenti.

Denique patientiam vel silere præsupposui, qui idem actus est, ex quo approbatio ejus, quod gestum est, colligenda, cum, qui pro se patitur aliquid fieri, consentire, immo mandare videatur *arg. L. qui non 60. ff. de reg. J. §. L. 18. ff. Mand.* sic e. g. si quis in ædibus alicujus deponat, dominus scit videtque, & nihilominus tacet, cum tamen contradicere posset, eò ipso tenetur actione depositi. Ita porro, si quis rem sibi oppignoratam vendi, & tradi patitur, ac consentit in venditionem, pignus remissum censetur *arg. L. 1. Cod. de remiss. pign. ibique GODOFREDVS.*

Primo equidem intuitu videtur posterius exemplum huc non spectare, propterea quod de Consensu expresso in venditionem ibidem sermo est; verum, re penitus, inspecta apparebit, optime quadrare, nam ex consensu expresso in venditionem, arguitur tacitus

in remissionem pignoris, eoque ipso, cum sciat creditor pignoratitius, & consentit in actum sibi damnosum, nec jus pignoris sibi reservat, sed tacet, ex omīsa simul reservatione Consensum in remissionem tacitum inferri posse, existimo.

§. XIV.

Quemadmodum autem nulla regula sine exceptione & limitatione est; ita & hæc patitur suas exceptiones & limitationes. v. g. Quid (ut priori casui insistamus) enim tunc juris, si creditor pignoratitius tantum tacet, non vero expresse consentit in venditionem & traditionem pignoris, an & hoc casu jus pignoris remisisse censetur? Respondemus quod non, propterea, quia sciebat jus suum nihilominus durare & saluum esse, prout colligendum ex *L. 39. ff. de pign. act. §. L. 8. §. 15. quibus mod. pign. solv.* in qua MARCIANVS disponit hoc modo: *Non videtur autem consensisse creditor, si sciente eorum vendiderit, cum ideo passus est venire, quod sciebat, ubique pignus sibi durare.* Cum è contrario, si hæres ex parte indivisa vendiderit prædium præsentibus cohæredibus, hoc illis noceat per *L. 12. ff. de Evict.* Diversitatis rationem vid. ap. BARBOS. *Lib. 18. c. 1. verb.* Ratio autem videtur esse, quia magis favendum illi, qui de damno vitando, quam ei, qui de lucro captando certat. Porro limitatur regula, si v. g. ex antecedentibus verbis posthac tacentis appareat, quid velit. v. g. Titius me interrogat, an pecuniam in mensa repositam & numeratam, tanquam pretium forte pro re vendita accipere velim, & ego respondi quod non, hic  
vero



vero in interrogando continuat, & ego deinceps taceo, hoc enim casu circumstantiæ aliud suadent, & sufficit, quod semel declaratio infecuta sit negativa. *arg. L. 16. Cod. de Locat. Conduct.* quia voluntas semel declarata præsumitur adhuc durare, nec censetur mutata, nisi probetur. *BARBOS. Lib. XVIII. Cap. 1. Ar. VI. Limit. VI.* Limitatur etiam regula, si de præjudicio piæ causæ, ecclesiæ, minorum &c. agitur, ob generalem juris sanctionem, qua cavetur, ut res & jura Ecclesiæ facta testaque servari debeant, cui accedit, quod præterea dispositio quævis privativa vel odiosa in jure strictæ soleat esse interpretationis. Addatur de favore libertatis *L. 1. C. de remiss. pign. & Fisci L. 8. de Jure Fisci.* Sed probe adhuc notandum, quod præter scientiam & patientiam adhuc requiratur factum aliquod ab alterutro paciscentium, ex quo colligi queat consensus. Ita enim non sufficit, si Mevius Titium interroget, an hic cum illo pallium permutare velit? nuda enim taciturnitas non semper obligationem inducit, sed debet ea esse qualificata. Secus autem est, si Titius tacens statim acceptat Mevii pallium, ex tunc enim obligatur ex tacito consensu & facto acceptationis.

#### §. XV.

Inserui autem regulæ verba: *qui contradicendi facultatem habet.* Facultas igitur contradicendi æstimatur vel ex ratione causæ, v. g. si nullum tacentis subsit interesse, ita, ut non habeat, quod contra dicat, vel loci, ut nimirum ille ita sit comparatus, quo commode contradici possit. Sic e. g. si quis in loco sacro, duranteque cultu divino, altero vidente, & patiente

tiente quid molitur, ex quo præjudicium in illum redundare posset, si consentiret, tantum abest, ut tacens pro consentiente habeatur, ut potius, alter tanquam contemtor cultus divini arbitrarie puniendus sit: Ratio asserti prioris in eo consistit, quia tacens omnes animi sensus conjunctim ad cultum divinum potius, quam ad ea, quæ ab altero interim gesta sunt, direxisse, adeoque nec vidisse, nec scire censetur; qui vero ignorat, eum consensisse in id, quod nescit, absurdum est asserere; vel demum aliarum circumstantiarum.

§. XVI.

Progredior nunc ad regulam secundum, quæ sonabat, *quod is, qui in judicio tacet, consensisse dicatur in id, quod in judicio actum est*, quæ fundata est in *l. 11. §. 4. de interrog. in jure*, & in *l. 6. §. 1. l. 9. §. 3. l. 19. d. 1. conf. TIRAQUELL. de Jure Mariti glossa 7. n. 37.* Sed cum sine ratione loqui merito erubescamus, meum erit, ut rationem legis, & ex eâ desumæ regulæ addam. Rationem igitur HOTTOMANNVS in *Epit. Tit. de Tacit. n.* hanc allegat, quia, qui apud Magistratum interrogatus non respondet, eum contemnere videtur, quæ etiam ex ipso prioris legis §. 4. desumpta est. Mihi quoque hæc placet, quia in judicio quasi contrahitur *per l. 3. ff. de Pecul.* & quoniam ea propter in judicium vocatur, ut se declaret, quod velit; quod si omittit, contumaciæ poenam & damnum propria culpa sentit, damnum autem, quod quis suâ culpa sentit, non sentire intelligitur.

Quid vero, si pars tacens in justo errore versetur, nec putaverit, rem, de qua in judicio agitur, ad se pertinere, quod facile usu venire potest, præsertim quando

do plures in judicio partes transigant, vel pacifcantur, inter eos autem alter interrogatus, an consentire velit, ab altero statim inter loquente in confusam mentis dispositionem redactus resolutionem suam suspendit, & tacet? Respondemus, nihilominus eum pro consentiente haberi ob præsumtionem juris & de jure, quæ contra tacentem in judicio militat, *arg. L. 11. §. 4. ff. de Interrog. conf. BARBOSA Lib. XIV. cap. 89. Ax. III.* usque dum per probationem, v. g. erroris, dictam præsumtionem eliserit. Error enim excusat, & voluntas errantis nihil disponit, *per L. 1. Cod. de fals. caus. adj.* & præterea ne dici quidem potest, quod hoc casu facultatem contradicendi habuerit, quod præsupponendum est. Interim tamen judici his in casibus incumbit, ut partibus, ne ex multorum loquelâ confusio oriatur, prohibeat, ut non omnes ac singuli uno quasi ictu simul proponant; tacendum, quod Judicis sit, eum, qui tacuit, singulatim exquirere, an velit, quod proponitur in judicio, nec ne, ut adeo casus ejusmodi sub directione prudentis judicis facile non possit evadere.

## §. XVII.

Effectus taciti consensus consistit in obligatione ex eodem & actione ex obligatione per tacitum consensum inducta. Quemadmodum verò varia hominum in societate humana sunt negotia; ita & variae sunt in jure actiones. Actio autem fuit ex obligatione, obligatio ex consensu: hinc etiam ex tacito consensu pro ratione negotii gesti, varia enasci possunt judicia. Interim tamen cum casus de tacito consensu in Praxi sæpiusculè obveniant, & ego memini inter alia  
in

in Actis me legisse, ubi quærebatur, annon tace per purgatorium ab obligatione per tacitum confesum exorta liberari possit? Ego quidem putarim, cistinguendum esse inter tacere in judicio, & extra lud, ita ut priori casu non secus ad juramentum purgationis admittendum esse eum statuam, nisi maximè aggravantes circumstantiæ & præsumptiones pro tace te militent, cujusmodi forte in §. 16. continentur: *ad L. 11. §. 4. ff. de interrog.* in qua *VLPIANVS* ita disponit: *Qui tacuit apud Prætorem, in eâ causa est, ut instituta actio ne in solidum conveniatur, quasi negavit, se heredem esse, nam qui omnino non respondit, contumax est, contumaciæ autem hanc pœnam ferre debet.* Posteriori vero facilius ad id perveniri posse, quia magis est in judicio quid agere quam extra istud, prout ex adductâ lege videre est; contumaciam enim illo casu arguit taciturnitas. Denique distinguo inter casus in jure determinatos, quibus nimium tacens pro consentiente habetur non modo, sed etiam actione instituta adversus ipsum, condemnari potest, ac debet, uti exemplum in *L. 6. Cod. Mandat* & non determinatos, ubi nempe tantummodo dici potest, quod consensisse tacens videatur, ita ut priori casu probatio in contrarium per purgationum cesset, posteriori vero, urgentibus potissimum circumstantiis, admitteri possit: Vocula enim videtur non æqualem habere cum verbis dispositivis valorem. Hæc itaque de Tacito consensu dixisse sufficiat.

DEO SIT LAUS ET GLORIA!

